


水



梁溪先生文集卷之第二十四

詩二十

在海南及歸自瓊管計七十有二首

鑿輿反正二首

伏覩五月五日赦書

端午日次鬱林州

寓鬱林州著易傳有感

恭聞詔書褒書悼陳少陽四首

次雷州

九日懷梁溪諸季二首

中秋月色佳甚與宗之對酌寶華堂在天寧寺

得家書報長子儀之房下得孫男

閣提花盛開三絕

聞官軍破黎賊作兩絕句

贈嶠南琮師

冬至

次地角場俾宗之攝祭伏波廟

次東坡韻二首

次瓊管二首

檳榔

雷廟讀丁普公所作碑文

次瓊管後三日奉德音自便二首

郡城北日語海子易之日雲海二首

北歸晝渡風便波平尤覺奇絕因成五絕句

歸次海康登平仙亭次萊公韻

初發雷陽二首

謁叩忠愍祠堂六首

琮師追送至城月驛戲成絕句二首以答其意

立春日在龍化道中得家問三首

和東坡醉題四首 假道容惠當避勾漏等洞天

海上得孔雀六鸚鵡十餘攜歸遺童穉輩戲成

容南道中二首 立春後一日風雨殊有寒色

陸平道中偶成 再賦孔雀鸚鵡二首

古律兩篇答鬱林州王守

過北流縣八里遊勾漏觀留絕句五首

伏觀四月五日赦書鑾輿反正中外大慶小

臣有感斐然成章二首

天眷吾皇葉舊基未應爰德散遂中微共欣宸極還
天步賴有羣龍夾日飛霈澤及民寰海慶孤忠許國
寸心違建爰首被鈞衡選辜負明恩淚濕布
誤國姦邪已竄誅天扶黼座正宸居少康一旅時猶
在高祖三章術未術疎必順人心收俊傑自應天意
助耕鋤纍臣海上空回首願泥滄溟洗謗書

端午日次鬱林州

久謫沅湘習楚風靈均千載此心同豈知角黍縈絲

日却墮蠻煙瘴雨中榕樹間關鸚鵡語藤盤磊砢荔
枝紅殊方今節多悽感家在東吳東復東

恭聞詔書褒悼陳少陽贈官與一子恩澤賜緡

錢五十萬感感涕七律四首

哀痛綸言洒帝章賜金贈秩事非常無心聖主如天
地著意姦臣狼虎忠血他年應化碧英魂今日已生
光先生憤懣誠昭雪九死南遷豈自傷似
祖宗德澤在斯民韋帶精忠不乏人魏闕獻言開帝
聽匭函爭事觸龍鱗血霑斧鉞雖因我心在宗祊豈

計身宿草已深難一慟臨風空有涕霑中
屢將輶議叩楓宸不為承恩始愛君誰使崔寧論盧
杞恨無慶忌救朱雲死生一快心應了忠義千年筆
有芬一介草茅言世務從今不復數劉蕡
平昔初無半面交危言几辨蓋寬饒幽冥我已慚良
友忠憤君應念本朝故國遙看雲杳杳新阡何處草
蕭蕭撫孤未遂山濤志誰繼騷人賦大招

寓鬱林著易傳有感

謫來海嶠遠兵戈精意微言得切磋地入鬱林懷陸

旃裘亂衣裳風雨飄屋廬南奔萬里空脫死鋒鏑餘
翠華狩絕域黃塵翳修涂朝無嵇侍中濺血霑誰裾
胡兒金束袍漉軟聖祖名珊瑚驕氣吞九州投餌術已疎
公捐繞朝策觀化聊據梧鳳凰渺鴻乙紫氛誰與俱
邱壑歲已晚鐘鼎功未書棄置委時運超搖遊物初
此憂自古有此樂絕世無邂逅拯黃流功成吾不居

再次韻許崧老見和之作時傳春秋集傳又欲
借易說故篇中及之

胡塵暗中原河洛皆穹廬衣冠競南渡故國靡復餘

襄陵大嶽裔亦爾因征涂顛沛不忘道呻吟曳長裾
如公巨川舟豈止清廟湖顧我正羈束未能踵漢流
幸然聲氣同鳴鳳棲必梧蹇裳思琢磨道阻不得俱
已從借麟經更欲窺義書度几晚問道洗心復其初
湘沅騷人鄉蘭芷今豈無回風搖蕙草歎息空幽居

岳陽樓三首

縹緲層樓俯洞庭湖光霽色兩澄明氣蒸雲夢浮天
白水合瀟湘到底清去櫂來檣雲共影漸鴻孤鷺笛
連聲望中更覺君山小一點青螺鏡面平

續桴浮滄海學兵坡聖經廣大隨人取衆說紛紜柰
若何從此梁溪作詩少用心已向六龍多

羲文作易仲尼傳究極陰陽本自然妙理欲求須得
象至言已契可忘筌絕編何啻須三過知命從今加
數年歎息時無邵康節數談今古與誰妍

次雷州

華夷圖上看雷州萬里孤城據海陬萍跡飄流遽如
許騷辭擬賦畔愁滄溟浩蕩煙雲曉鼓角凄悲風
露秋莫笑爰荒地遐僻萬安更在海南頭

卷之二十四
中秋夕月色佳甚與宗之對酌天寧寺寶華堂
去年今夕寓通城猶有新詩寄弟兄一自裹囊來海
上更無繫帛付鴻征禪房酌酒夜分聞海月窺人光
更清起舞月中心尚壯乘槎便欲遙蓬瀛

所寓天寧寺方丈後有閣提花數株連日盛開

玉雪可愛悵然有懷成絕句三首寄吳元中

未渡鯨波寇盜深中原回首涕成霖清愁萬斛無消
處賴有幽花慰客心

深院無人簾幕深玉英翠羽燦芳枝世間顏色難相

似晴雪初殘未墮時

冰玉風姿照坐寒炎荒相遇且相寬縞衣紵帶平生

志正念幽人尚素冠

得家書報長子儀之房下得孫男殊慰老懷時

正予在雷州著易傳適至震卦因命名之曰

震孫以詩一篇寄儀之以誌喜云

天涯遠報茁瓊枝共說鷓鴣骨相奇鼻祖從來種桃
李耳孫自合產蘭芝洊雷名震因觀易他日趨庭使
學詩無復區區如爾父定須了了勝吾兒書來可想

開懷抱老去何因與弄持素有龐翁攜隱志未應孤
負鹿門期

重陽日與宗之對酌有懷梁溪諸季時庭園菊
花猶未結蕊于藥囊中得茱萸泛酒有饋山
果并海鮮者多素所不識賦詩二首以見意
此身飄泊旅天涯九日凄然客念家且把紅醪賞紫
蟹何須白髮對黃花藥囊幸有茱萸實茶銚頻煩薄
荷芽山果海鮮多不識却須傳與北人誇
父子相隨萬里餘途窮端欲哭楊朱三年客裏逢佳

節九日樽前念友于海上及秋吟蟋蟀鬢邊何日挿
茱萸吾生老矣謀生拙嘆息乾坤一腐儒

嶠南僧罕遵戒律况向上事獨琮師隱居湖巖絕
不至城市超然拔俗聞予來策杖見過與語可
人可知為飽參衲子也詢其所見蓋長從長蘆
了遊了居長蘆聚徒至千五百眾道價籍甚
江淮間予雖不之識然聲氣相合心期自親嘗
辱貽問今見琮師益之知了之門風孤峻真楷
老兒孫也退處天台山琮將浮海訪之因賦詩

贈琮且以簡了公異時得歸次須相隨于石橋
側可以握手一笑梁溪居士云

萬里謫官來海嶠眼中衲子見絕少方袍圓領動成
群與俗不同祇其表琮師乃是雷陽人徧歷叢林參
學飽歸來卜築瘴海濱十里湖光巖洞小深居不復
踏地市宴坐惟知侶猿鳥惠然過我意良勤野鶴孤
雲自輕矯風姿已含蔬筍氣語論更將藤葛繞黃芽
深處見松筠使我困箱欲傾倒為親聊復戀幽棲訪
舊終須乘漭渺煩師飛錫過天台為問了公何法了

冬至

殊方又復一陽芽荏苒流光嘆物華土薄葭灰難測
候氣溫桃曙已開花雲鴻不到音書斷鯨海無程道
里賒賴有清心為活計不須爛醉作生涯

海南黎人作過據臨臯縣驚劫傍近因小留海

康十一月望日聞官軍業已破賊二十日戒

行戲作絕句二首

海上群黎亦弄兵征車數月旅山城稽留謫命兢惶
甚正坐緋巾懲沸羹

沉、碧海絕津涯一葉凌波亦快哉假使黑風漂蕩
去不妨乘興訪蓬萊

次地角場以瘡瘍不果謁伏波廟俾宗之攝祭
期以二十五日渡海一卜即吉夜半乘潮解
桴星月燦然風便波平詰旦已達瓊管東坡
謂斯遊奇絕冠平生非虛語也作二律紀之
威信昭然漢兩公舊于青史揖英風戈舡下瀨勳猷
壯馬草裹尸心胆雄顧我迂疎成遠謫賴神正直鑒
孤忠病軀阻造祠庭下幽顯雖殊此意同

夜半乘潮雲海中伏波肯借一帆風滿天星月光鏗
碎匝海波濤氣象雄大舶憑陵真濟渺寸心感格在
精忠老坡去後何人繼奇絕斯遊只我同

次東坡韻二首

地角潮來未五更陰雲解駁作霜晴星河明澗天容
曄風浪喧虺海氣清粗見鷗鵬潛化理豈無犬馬戀
軒聲遠遊不作乘桴計虛號男兒過此生
海上傳呼夜報更舟師歡喜得新晴風光劈浪去時
急海月籠雲分外清天影合中觀妙色潮波迴處悟

圓聲從來渤海為全體試問一漚何處生

南渡次瓊管江山風物與海北不殊居民皆在檳

榔木間黎人入市交易蠻衣推髻語音兜離
不可曉也因詢萬相去猶五百里僻陋尤甚
黃茅中草屋二百餘家資生之具一切無有
道由生黎洞山往剽劫行者必自文昌縣
泛海得便風三日可達至此不禁為之慨然
賦詩二篇聊以紀土風志懷抱也

巨舶浮于海長颺送短蓬夜潮和月白曉日跳波紅

雲影搖修浪瀾光接遠空喜過三合溜愁遠冠頭峰

雷化迷天際瓊儋入望中地遙橫一線山露點群鴻

偶脫鯨鮑患尤欣氣俗同川原驚老眼稚耆耆衰翁

蠻市蝦魚合賓居棟宇雄人烟未寥落竹

廟

自葱籠

碧暗檳榔葉香移薄荷叢金花翔孔雀綵幕問黎童

南極冬猶煖中原信不通管寧雖跡遠阮籍已途窮

瀕洞滄波裏蒼茫返照東客愁渾不寢鼓角五更風

四郡環黎母窮愁最萬安峒氓能憫寇瀧吏豈欺韓

草屋叢篁裏孤城瘴海端民居才百數道里尚艱難

徑陸憂生蚤乘桴思怒瀾颶風能破胆癘氣必摧肝
去死垂、近資生物、殫船來方得米牢聲或無餐
曙宇充嘉饌塵羸薦淺盤萋藤茶更苦浚水酒仍酸
黎戶花縵服儒生椰子冠檳榔資一醉吉貝不知寒
何必從詹尹無因詠考槃失圖嗟罪大得此荷恩寬
顧影同三友設空不二觀中州杳何在猶共月團藥

桼榔

疎林滄海上結實已纍、烟濕頰虬卵風搖翠羽旗
飛翔金鸞鷲掩映籜籠兒護落哈柳子勻圓訝荔枝

當茶銷瘴速如酒醉人遲萋葉徧相稱羸灰亦漫為
乍繁顏愧渥頻嚼齒愁疲飲啄隨風土端憂化島夷

次瓊管後三日忽奉德音思許自便感涕之餘

賦詩見志二首

此身飄墮到滄溟誰謂君王念賈生黃紙再蒙題姓
字丹書特為削刑名山林老去何其幸萍梗追思却
自驚天地恩寬難報德試從今日數過程

行年舊說是東坡鯨海于今亦再過僭耳三年時已
久瓊山十日幸尤多却送老眼來觀國尚冀中原早

戢戈病發不堪當世用感恩惟有涕滂沱

郡城南曰瓊臺北曰語海予易之為雲海登眺

有感二絕句

孤城南面敞瓊臺千里川原指顧開試問向綠雲深
望處海山浮動見蓬萊

古來雲海浩茫、北望淒然欲斷腸不得中州近消
息六龍何處駐東望

北歸晝渡海風便波平尤覺奇絕成五絕句

澄波不動琉璃滑一望應須萬里餘舟行衝激浪花

碎如馭白雲遊碧虛

去得南風來北風神靈只在指呼中老波有語舊曾
記信我人阮非天窮

織雲回卷日方中海色天光上下同身在琉璃波浪
裏碧空涵水一涵空

平生奔走畏江湖暮齒來乘海上桴自哂井蛙真見
小望洋向若一盧胡

次海康登平仙亭次萊公韻

碧海瞰危亭波光混太清曠懷此知樂此夷險本來平

雷廟讀丁普公所作碑記

巨卯曾因霹靂開海邦從此得名雷只知寇老曾遷
此作記實緣丁令來

謁叩忠愍公祠堂七絕六首

親征決策幸澶淵南北歡盟有本原丞相萊公功第
一猶將枯柱作讒言

一幸江南一蜀中奮然廷議叱群公挽回天步雖難

策元是真王聽納功

南陽廟坐致云、賴有嘉言為解紛歎昔今人不如

古久無慶忌救朱雲

平生愛看柘枝舞賓燕多餘蜜炬堆富貴在公真末
事誰云緣此故南來

海邦去祠只十里山路過山應萬重詩讖告人元已
久未應馬援坐梁松

初發雷陽有感二首

夢中曾過鬼門關敢異君恩聽北還父子相隨幸良
厚僕奴半死涕空潛風煙蕭瑟黃茅瘴山路崎嶇赤
脚蠻歸去梁溪見桑梓定拋冠佩老巖間

卷之二十四
餘生幸爾脫垂涎雞肋安能拒老拳萬里得歸辭瘴
海三年奔命厭征軒採薇散髮嵇中散開灶燒丹葛
稚川此去山林如脫兔這回且結好因緣

琮師追送至城月驛戲成絕句二首以答其意

衲子來參去不辭何勞飛錫遠相追贈師銀布牢收
取便是金襴付囑時

好住湖巖攝此心有緣終會有知音梁谿老去孤峰
頂月白風清難更尋

立春日龍化道中得家問諸季已挈家渡浙江

如劍川又聞江西頗有群盜嘯聚遂決意由
五羊趨循惠潮假道閩中以歸偶成七律三

篇時十二月十九日

東君又換一年春迎我來從瘴海濱已覺山川有佳
氣更詢道路得通津欲尋勾漏丹砂今與訪羅浮紫
府又偏清夢裡相符緣契合便須脫屣謝埃塵
遠信來時嶺嶠春浮家已在浙江濱更傳贛水方虞
寇須向閩山與問津萬里尋樂土千巖好去作閑人
干戈未息中原暗悵望閩河胡馬塵

川途奔走四回春海上經年與死濱子美自憐常作
客長沮應笑自知津艱危至此無千古憂患如吾豈
兩人往返循環真磨滅已將大地等微塵

予已久不飲酒得家問喜甚與宗之對酌調馬

驛中連飲數觥徑醉中和東坡醉題四首
海嶠無佳釀經時不入唇巨觥今一醉遠問到春初
偶脫長鯨口來尋仲子鄰醉中輕萬里始信濁醪伸
畏病不舉盃延客祇烹茗浩然雲海間不醉亦不醒
偶蒙雨露恩漸脫瘴癘境麴生粗可人相對聊酌酌

久客殊念家歸途渺江漢是身如浮雲懼此無窮患
今夕定何夕一酌千憂散從茲日醺酣此意君莫問
飲少輒大醉中識其真天地一秋毫况此渺然身
歸林巖穴間坐閱萬態新去勿復道時清為幸民

寓瓊山遠華館一夕夢遊山間小堂松竹環合

有道士坐堂上誦李太白送人遊桃源序中

有良田名池竹果森然三十六洞別為一天
之語覺而異之今假道客惠當勾漏都嶠白
石羅浮諸山皆洞天勝遊也豈神者先告將

有所遇耶為賦詩一篇以紀之

神清遂仙遊境寂恣遐躅羽人入我夢軒戶靄松竹
高吟謫仙文逸韻響金玉覺來殘燈熒做恍猶在目
歸途歷容惠問津非素卜將遊四洞天就彼白雲宿
豈無葛稚川妙論資灌沃試求龍虎丹一使鬢毛綠
斯言儻可仁廟長揖謝浮俗却笑昌黎翁強項寧詰曲

海上得鸚鵡十孔雀六羽毛鮮妍可愛俱攜歸

遺童穉輩因戲成絕句二首

鳳友鸞朋出海邦金花翠尾爛文章梁溪臺沼今何

以歸伴胎仙取次翔

綠衣糾趾已能飛學語交々未轉時不是蓬萊花鳥

使攜歸聊與調羣兒

立春後一日風雨殊有異色偶成

竟夕北風號春回雨已膏歸程離海嶠舊服理緋袍
宿瘴須寒壓清愁欲醉逃何當入江浙雪片洒鷺毛

容南道中二首

路入容南境風煙自一方山空雲冉冉春動水茫茫
紫府丹砂秘幽村碧曙芳蕭然有佳致作个是炎荒

卷之二十四
聞說容南久安知客路經沉、洞天近湛、古湫渟
日落峯鸞翠春回草木青丹砂如可問當卜老巖扃

再賦孔雀鸚鵡二首

孔翠從來海上村參差脩尾燦金文素知肅穆鸞凰
侶不是喧卑雜鷺羣青圃赤霄雖有志碧梧翠竹正
須君攜持萬里歸吳越悵望海山深處雲
學語鸚雛羽漸成掌中取食絕猜驚籠寬得遂朋從
志春曉初聞客到聲賦就禰衡文不點杓隨李白飲
如鯨遠攜休歎殊方去我亦隨緣得此生

陸川道中有感

嶠南江北本來同往返紛々一夢中舊事銷磨那復
有新愁繚繞亦成空天邊山色浮濃靄溪上雲光拂
沒紅我把浮生如夢看雲山元是小屏風

南遷道中鬱林郡守王君見示古律詩一篇北

歸輒成兩篇以答其意

山園古郡碧周遭陸績衣冠雅自褒海上來歸懷塵
尾鬢間空嘆長霜毛易書願我耽成僻詩筆憐君老
更豪此去龍成幸非遠不須巨石壓雲濤

垂老相逢海嶠間，盈編珠玉破愁顏。清名豈藉鬱林石，雅志常存奕山邱。壑採薇嗟我病，絃歌為政羨君閑。中原杳杳旌旗暗，回首春風涕一潸。

過北流縣八里遊勾漏觀留題絕句五首

百里仙山氣象雄，參差峯岫翠成叢。雲駢鶴馭今何處，丹灶依然洞穴中。

葛翁求令為丹砂，今我來從海上槎。祇恐山靈嫌俗駕，未容歸客卧煙霞。

羽人相導把霓旌，窈窕松林露氣清。不用逢迎同貴

客，暫來花院聽棋聲。

避謗多時不到山，忽驚身在洞天間。北歸更覺君恩重，得遂清遊一解顏。

洞戶沉沉別有天，玉樓珠殿鎖霏烟。如何祠館人間世，破屋荒涼紫府前。

梁溪先生文集卷之第二十四終

梁溪先生文集卷之第二十五

詩二十一 歸途庚戌歲作計五十七首

道勾漏山靈寶觀竊觀兩朝御書謹成古風

次山堂

聞長沙軍變向伯恭能彈治

虞祖道相從湖海

蕭懋德自臨江遣人致書

宿都嶠山靈景寺

除夜與宗之對酌懷家

庚戌歲正月一日遊都嶠山留絕句五首

容南鼎新郡庠所建講堂名之曰育材

潯州守李侯以所蓄法書十軸相示題卷末

容南初食荔枝

清明日得家書四首

趨藤山古風

恭聞駐驛浙東王師屢捷

藤山路古松為取松明者所創剔古風一篇

鐔津江閣

同曹使君登浮金堂

晚泊蒼梧縣有感

月夜江閣次東坡韻

江行即事八首

封川贈李致遠郎中一首

玉乳巖

泊晉康橫翠亭二首

五龍廟絕句五首

同陳使君登香山寺谿亭

客有出示御製登中和堂小臣斐然仰次宸韻二首

江上即景二首

遣興二首

次肇慶府有感

瑞石硯

蚊

出峽

靈洲寺次東坡韻

次韻墜空閣

道勾漏山靈寶觀竊觀兩朝御書謹成古風

抱疴卧雲海夙夕負深恐寬恩聽旋歸何啻邱嶽重

問津勾漏山散策寶圭洞羣峰羅翠屏環合無缺空

遊仙契初心幽賞協清夢却來觀宸章寶氣騰蟠螭

真行雜草隸筆勢極翔動大小飛白書飄洒縈舞鳳

恭惟睿姿多能本天縱妙蹟藏名山中俾與萬世共
林巒增炳煥神物勞護擁惜無深巖屋蔭覆示崇奉
何當鳩良材為葺傾屋棟天弧不指狼中原胡馬関
九廟未奠居臣子含憤痛豈知爰荒中奎畫得瞻諷
至哉博大言粟麥因異種天帝及諸佛一一資妙供
飛白有：罪有福種麥無粟聞善但行竊于翰藻間
砂中有玉及供養諸天帝十方佛之語窺見神心用源流此中來基本中興宋稽首歸琅函
斐然成善頌

元結嘗經畧容管王守作次山堂以思其人為

賦此詩

華堂高敞為思尤善政相望數百年册府聲名秀群
玉海邦巖洞有三天漫郎去久風流在病客來臨道
里遭聖主中興誰作頌願觀老手筆如椽

客有言長沙軍變向伯恭能彈治規畫甚偉遠
得伯恭言來亦道及其事為作韻詩以寄之
長沙舞袖僅可旋今作巨鎮湖湘邊驕兵夜深赤白
欽廟乘間竊發將嘯翺不知向予有老拳縛束從卒祇
嫌諱數言翻如鳥鵲擒鷹鷗姦賈兇領汙龍泉彈壓一境

莫復喧稚耄鼓舞喜欲顛歸哺其飴甘晏眠眾服壯
畧稱無前我歸自南得之傳頗欣祖生先着鞭何不
付與天將權於旗纒紛指雲燕一鼓士氣如突煙點
虜破膽心方悛洒掃海內清戈鋌使我病衰安廬田

蕭懋德秀才自臨江遣人致書海上遇于歸途

為賦詩二首以寄之

三黜先生今得歸更攜稚子訪慈幃病牛卧壠心衰
矣脫兔投林天憫之萬里往來環轉蟻一生謗譽舌
揚箕著書欲赴當時約須得江南事定時

踰年海上久安居多謝蕭郎遠寄書不向去來生一
念已將天地作吾廬中州杳、旌旗暗暮景駸、齒
髮疎準擬峽山成小隱茅齋惜我定何如

罪謫海上中州親收罕通音問獨虞君祖道相
從湖海踰年北歸同途次答南賦詩以識別

飽經憂患莫如吾暮景餘生寄一椽獨子相從來瘴

海豈知還得共歸途應觀天下奇男子解笑人問淺

丈夫老去山林養衰疾好音時與繫飛鳧

許崧老聞虞君同泛

海曾以書語人曰此天下之奇男子也予因全用其語淺丈夫者聊取的對耳

除夜與宗之對酌懷家

四年除夕旅殊方海上歸來路更長暮景飛騰催老
病餘生留滯且交荒傳聞寇盜紛驚擾歎息江湖墮
渺茫杳々吳東家萬里椒盤誰與頌馨香

庚戌正月一日遊都嶠山留五絕句栖真觀中

元日尋真到洞天溪邊春色已嫣然落花流水人間
去誰道桃源不是仙

松嶺雲峯步々佳芒鞋竹杖極幽遐使君不得同清
賞正恐山將翠幙遮

遠目增明都嶠山丹梯况得遂躋攀乃知猿鶴真心
在乘服軒裳祇強顏

疊業高巖聳入峯雲間紫翠鬱鬱相重故應洞穴通勾
漏更愛林巒接大容

石磴盤紆木菴葱捫蘿獨上最高峰白雲深處時回
首千里江山指顧中

宿都嶠山靈景寺

清晨遊棲真薄暮宿靈景山空松桂香雲細泉石冷
高岷敞飛簷象緯逼參 惜無娟々月散此林下影

夜闌風露寒巖曲燈火耿疎鐘響嵌竇客枕發深省
却隨猿鳥起再上翠微頂道人山後來眸子頗清炯
試詢龍虎訣妙意默已領我生憂患餘半世泛萍梗
脫身鯨海中掃跡方自屏願從稚川遊新水事丹鼎
展資刀圭力少使桑榆永胡塵胡中原靜謐惟五嶺
渺然爰荒南自絕羽書警結茅定前緣幽夢先異境
上下三洞間安得田二頃攜家學龐公禰蟲笑王猛
採薇與散髮此志久已肯^肯嵇生非吾徒幽憤醉方醒
自學校之制廢而戎馬之患興州縣長民者不

復以教育為意獨容南一處鼎新郡庠招徠
生徒絃誦之聲習焉不輟誠可嘉嘆所建講
堂為名之曰育材輒成五言十韻

治世崇儒術膠庠寓屬臨自從馳羽檄誰復念青衿
賢守來南紀宏規肇泮林飛翬開講廡鼓篋拂書蟬
采藻繡江水仰高都嶠岑潛銷戎馬氣初習歌雅音
洙泗道非遠張姜賢至今張九齡姜公輔唐時賢相皆嶺表人栽培成
楚梓追琢見南金常袞閩風變文翁蜀化深願言遊
學者勉副育材心

潯州守李侯以所蓄法書十軸相示為題卷末
承平文物又富哉寶章萬岌藏蓬萊餘篇散落士夫
手名筆往々牙籤排連年胡騎擾河洛錦標玉軸隨
飛埃李侯好事不忍棄萬里艱棘攜南來岌荒相遇
一笑粲出以示我逾瓊瑰歐虞顏柳邈已遠蘭亭况
復昭陵埋空遺妙蹟刻琬琰不若故楮存煙煤君謨近
世稱第一筆力與古肩相挨醉翁工夫不在字名望
自足尊輿臺芙蓉仙人有典則滄浪逐客氣不衰胸
中磊落難屈折故使心畫奇而壞東坡行書騁姿媚

山谷草聖窮縈迴二公文翰昭千古俯視凡馬皆駑
駘米顛碌々不足數運筆尚有縱橫才邇來非是無
點畫追時取好如俳諧六書楷法雖小學古人用意
何其能君看篆籀寫韻語精巧豈容易追陪今人萬
事不如古矧以毫墨爭雄魁嗟予病廢卧都嶠何止
我馬云虺虺感時撫事百憂集對案不復能持杯明
聰宸卷慰岑寂坐視舊觀雙眸開梁溪書室挿架處
念遠更覺增馳懷世間雅好無出此絕勝寶玩琴藏
雷于今此物未易得願言十襲傳雲來

清明日得家書甚慰旅懷為賦五言四首

去國三年久離家萬里餘豈知戎馬際仍得棣華書
金鼓震南國松筠懷故廬寰區端若此天意竟何如
南荒爰瘴地槐火又清明海嶠無春色江湖有戰聲
繫書來鴈足歸思羨鵬程欲挽天河水滂沱洗甲兵
欲歸未得留滯繡江濱感慨傷春望僑居多北人
蒼生未蘓息黃屋尚蒙塵王室艱危極潛然泣老臣
煙嵐飛翠蓋鯨海泛龍舟退避亦已遠憑陵殊未休
包胥思慟哭曹劌願深謀歎息繞朝策何人知故侯

容南初食荔枝二首

海山荔子冠炎荒頗恨過歸不得嘗猶喜容南三月
裏輕紅初擘一枝香
買地城南種荔枝每留核付守園兒但祈四海兵戈
息會見開花著子時

三月二十三日自德音至容南恭聞駐蹕浙東

王師屢捷虜騎遠遁是日得諸季書挈家寓

饒之德興幸免驚擾欣拊之餘輒成口號一首

紫泥黃耳到同時家國無虞慰所思飲馬胡雛歸朔

漢安巢越鳥返南枝休祥允協靈棊卜喜事何因乾
鵲知便可理裝尋去路攜家深赴鹿門期

三月朔旦卜靈棊占國得惡銷卦辭曰日出東

隅炎赫雖有妖氣反見重炙羣賢破陰

禍難解釋占家得克強卦其辭曰去我寶珠

乃在天衢不意盜者隱匿所居賴得犯聖祖名鳥為

我逐驅風靜波息還復我廬至是而驗將得

家書鵲聲甚厲故云以下俱原缺

四月六日離容南陸行趨藤山路崎嶇然夾道

皆松陰山嶮田家景物類閩中殊可喜也賦

古風一篇

孟夏草木長清陰散扶疎葱龍竹松間石磴蟠縈紆
嗟我事行役彌年困征途及茲理歸鞍敢復論崎嶇
深谷四無景高巖倚天衢稍從平川行遂得田家居
籬落靜窈窕桑麻鬱紛敷新秧綠映水雞犬鳴相呼
中原暗鋒鏑胡騎方長驅此豈桃花源幽深了如無
遊將適閩嶺買田自耕鋤結廬亂山中聊以全妻孥
自容南趨藤山路古松皆合抱百尺餘枝葉扶

疎行人庇賴為取松明者所剗剔因而摧顛
十已六七良可惜也

松林繞峻嶺百尺森葱青不知何年種夭矯虬龍形
濃陰翳脩途當暑有餘清長風一披拂時作波濤聲
如何錐刀徒使爭爇火明傷膚及肌骨風雨因攜傾
顛倒委榛棘氣象猶崢嶸行人失庇賴佇立空凝情
緬想栽培初愛護如目睛合抱始毫末几經霜露零
一百毀有餘百年養不成忍使易凋喪此理真難評
憶昔陶上行為政有善經擢禾與移柳一一糾以刑

既往不及追將來猶可懲感嘆遂成章庶几知音聽

鐔津江閣氣象清曠有閩浙之風偶成律句

斷雲飛雨晚蒼茫虛閣臨流分外涼散髮披襟嘗荔
子疎簾清簟看漁航三年奔走循環蟻萬里歸來鬢
滿霜未到江湖先到此風流誰道自爰荒

同曹使君登浮金堂

繞堂松竹散扶疎枕帶江山美有餘神物化龍同劍
浦雙溪成字類桐廬胡雲夜月隨時好棲鷺飛鷗烟
自如茗飲相從得清賞坐令勝事踵蘇徐

月夜江閣次東坡韻

江水如練帶江石如馬肝雙流會合處蹙作蛟龍蟠
我來暑氣初驟雨成驚湍雲收暮山出秀色屏中看
缺月掛本末光輝溢清寒冷然適我心遇境隨所安
夜久轉寥閨高松露華浦獨坐念平生行路真漫漫
危腸易感激不待聞哀彈猶欣碧川漲沒盡風雷灘

晚泊蒼梧有感

常誦蒼梧雲正愁豈知理權此間遊火山冰井舊傳
有桂水藤江相合流念遠心如嘶北馬踰年行編嶠

南州重華一去不復返悵望九疑空白頭

封川贈李致遠郎中

一別都門十載餘相逢應笑尚迂愚綈袍戀、故人
意風雨蕭、君子儒顧我憂危宜白髮如公暇豫亦
清癯年來頗得義書旨試讀一編還是無

泊晉康橫翠亭愛其山水秀麗斐然有作二首

上主疏封地中興啟帝圖江山連肇慶雲物接蒼梧
秀氣蟠南極神功本禹謨邦人榮望意開府映番禺
環抱大江流層巒翠靄浮神明扶王氣景物冠南州

來值爰蒸日翻驚風雨秋登臨望不極暮角起城樓
同陳使君登香山寺谿亭

渺、烟波疊、山玉簪羅帶自迴環雨餘嵐翠濃如
滴地險江湖巧轉灣蟠磴迴臨飛鳥上片心聊與白
雲閑嶠南有此佳山水盡在賢侯几案間

客有出示御製登中和堂詩小臣斐然聊次宸

韻三首

黃屋狩吳越勾陳俯江津迢遙八駿御時邁慰斯民
漢祚歟再興周邦命維新誰令獫狁熾坐使宵旰勤

宅洛既得卜去幽亦推仁宸章蹟禹功道繼胼胝身期
運有泰否鈍蟠利則伸君王自神武安得熊羆臣

賤子志邱壑敢懷要路津偶乘風雲會冀拯凋瘵民
誤被聖主知坐期功業新飄零繼三黜奔走亦已勤
生還鯨海中仰荷皇天仁不然鑠金口何有鴻毛身當
從犯聖豹隱無復尺護伸感歎魏公言願使為良臣

江行即事八首

千里江山圖畫中嶠南浙右豈殊風烟浮嵐彩重
碧日染波光洒、紅蟻釀蟹螯情不淺筆林茶灶興

相同扁舟入手吾何事歸去梁溪作釣翁

五月爰芳氣鬱蒸安流鼓櫂水風清江魚入饌有餘

美山果滿盤難強名醉裏謳吟聊自遣夢中來往本

無驚廟堂早定安邊策遂我山林幽遜情

置散徒懷報國心還家欣得故園音鈎輶曉岼雲林

密款乃暮江煙雨深壯志已同灰地冷班毛從使雪

霜侵卧龍只合耕南畝抱膝空為梁甫吟

蒼梧雲物曉淒涼錦石江山一帶長雨浥峰巒添黛

翠風吹草木送天香漁樵閑話無千古金鼓喧聲震

萬方我欲誅茅寄幽僻却愁烟水日茫茫

數郡崎嶇山海間只今多事覺寬閑衣冠避地成橋

寓風月與人長往還蘼水藤花方爛熳生雲錦石自

爛編平生有意五湖去誰謂扁舟行百蠻

合沓青山轉碧川雨餘風月更婵娟光茫影浸星河

碎片段氣蒸雲物鮮心繫鴿原千里外夢回鼓角五

更前翠華杳、今何處悵望東吳空惘然

峽束滄江暮靄昏孤猿吟嘯不堪聞寥、夜闌波沉

月漠、曉晴山出雲釣艇得魚猶撥刺綸巾漉酒任

酣醺年來與物忘机甚自覺沙鷗不亂群

一重一掩翠參差路入桃源客意迷江露曉分山遠

近浦鷗閑送櫂東西頗欣嶺表佳泉石聞道江南多

鼓鞀稚子候門應念我提攜來共此幽棲

自晉康順流六十里有山巉然臨江下有巖洞

可容千人軒豁平坦景幽邃石罅間滴泉厥

味甘冽因目之曰玉乳巖賦此詩以紀其事

鼓拖下端溪停橈登截薛呀然巖洞間儼若棟宇設

千夫可環揖放步靡凹凸玲瓏四壁間一一幢旃列誰

令胚渾初凝結有罅缺當年補天子不顧山石裂鑄

鏡餘舊痕瑣碎委環玦五峯近龍淵無乃通貝闕試

求玉函書何異探禹穴洎乳泉滴璨冰玉潔清

聲落嵌竇自中琴筑節嘗之味甘芳滌我肺腑熱瓊

漿笑裴航石髓謝王烈嶠南瘴癘鄉有此雲腴冽青

葱松桂陰景物助幽絕豈無會心人來遊共旌別題

詩製佳名聊以紀歲月碧落遙相望千里未磨滅

端康之間地名越城五山秀峙有蜿蜒飛躍之

狀有山五龍廟當秦時神媪臨江五龍從之

遊沒葬山在廟祀至今靈響甚著鄉人以風
雨候龍之歸因作送迎辭絕句五首以遺之

風雨蕭蕭、雲氣浮五龍歸觀到靈湫星霜換易江山
在尚憶當年水際遊

五山秀峙若飛騰下有澄潭百尺清不用燃犀窺秘
怪從來神理惡分明

萬霰千霆霹靂飛潛藏神用濟蒸黎何須簫鼓祈膏
澤肯為鄉人有所私

貝闕珠宮不可尋時因風雨聽清吟葉公好畫真龍

出却恨今無好畫心

日染波光紅洒洒風搖浪影碧鱗鱗
神龍來去初無

跡多少江湖求福人

江上晚景二首

清江一曲深翠岫千峰峙江村八九家茅舍修竹裏
沙頭魚網曙林表煙素起安得惠崇師寫此真山水
飛雨逐雲急斷霓明飲川江頭日欲暮返照青林顛
鷗鷺自倚侶蘆葭相接連平生江海志對此却茫然

蚊

江風蕭々，江水清飛蚊扑々，何處生駝肩豹脚背如
鉄天使，匝食同蠅蟲。先生暑因汗翻雨，僮僕搖扇疲
屢更乘虛投隙肆毒吻，鼓翅舞足何其輕。須臾舍桃
變柳絮，坐使飢腹成膨脝。捨身施汝吾豈惜，逼耳最
惡聲。嬌獐有時緣拊汚，吾指罪雖應爾心則矜露華
清泚自可飲，戒汝慎勿貪芳腥。

出峽

出峽日將暮，綺霞連水明。山遙欣野濶，海近覺江平。
稍々洲渚轉，霏々烟靄生。舟人喜風便，時發櫂謳聲。

靈洲寺次東坡韻

迴廊小殿枕崔嵬，接武東坡我復來。江色蒼茫山聳
秀鬱，藍天影抱瓊臺。

遣興二首

繚絡奔馳不計年，脫身瘴海豈徒然。昂藏鶴髮老道
士，爛熳醉吟狂謫仙。剩把詩篇收景物，何須爐鼎煮
山川。平生出處吾無愧，禍福死生皆付天。

海上歸來心緒多，鬢邊無那白標何。詩情初得江山
助，酒量自因風月多。黃卷中間親聖哲，白雲深處避

千戈弟兄念我心應切故向梅花嶺上過

次肇慶府有感

仁德如天覆萬方誰知變故起非常祇因燕地開邊
隙故使中原作戰場侯景南侵幽武帝祿山西犯走
明皇運遭九六人徒爾險失山河事巨量一自鑿輿
遊朔漠空餘藩邸在爰荒微臣弭權增悲感雪涕無
因問彼蒼

端石硯

端溪出硯材最貴下巖石珍物乃卵生孕此馬肝色

世傳鸚鵡眼通透蓋其脉頗同阮步兵見客作青白
我來巖中遊幽探偶有獲温然一片玉秀潤滿尺宅
斲成蛟龍池澁滑宜筆墨當觀管城翁沐髮散簡策
嗟予好陶泓收拾積珪璘得此餘可忘一生能幾屐

次韻鑒空閣

東坡謫仙人遊此江海境賦詩鑒空閣如以鏡寫影
我來遙相望荏苒歲月永讀翁閣上詩宛若像涵鏡
平生憂患餘胸次徒耿耿脫身鯨波間遠跡方自屏
泊舟值爰蒸風雨變清冷佳哉幽勝地自絕鋒鏑警

願為劍藏押不作錐露穎攜家歸山林屬意在閩嶺

梁溪先生文集卷之第二十五終

梁溪先生文集卷之第二十六

詩二十二

謁南海神廟

羅浮山寶積延祥寺古風

冲虛觀

乘月泛小舟歸泊頭

家問自閩中轉來走筆寄諸弟

次韻士特見懷古風

再賦一章寄諸季約同遊羅浮

惠州訪東坡舊隱

白水山佛跡巖行速不果到次東坡韻

次東坡月夜理髮

望白水山次合江樓韻

六如亭

遵海歸五絕

泛舟循惠間山水清絕漫成口號

東坡謫英州以書語所善衲子曰戒和尚又疎

脫矣讀之不禁有感

自鸞城至河源乘舟風雨日作江流湍激以寸

步進感歎有作

五月晦寓河源館舍雨涼新偶成一絕

夜霽天象明潤成有韻

自河源陸行如循梅

循州道中作

絕句二首

剪剔瀑翳蒼二絕

聞蟬

新月二首

早行二首

通衢夜坐二首

謁南海神廟

黃木灣頭漸欲平叢林深處款祠庭豈知休咎能傳
戒但愛昌黎解勒銘海上波濤呈秘怪壁間圖畫雜
紅青應憐歸客稽留久風破寒江集百靈

唐休咎禪師
曾為神授戒

艤舟泊頭鎮風雨中乘小舟行十餘里遵陸遊

羅浮山寶積延祥寺

神山失憑依漂泊西南州連峰蟠秀氣作鎮滄溟陬
世傳朱明洞深秘未易求夜半見赤日光若金鰲浮
我來夏正中川漲通行舟彌權泊頭渚遂作羅浮游
山臺憫病暑風雨為變秋雲開遠岫出黛色散不收
藍輿涉翠微頗得精廬幽雅志愜邱壑斯行豈大謀
愧煩五色雀顧我鳴啁啾寓目天水永微茫見瀛洲
中原正雲擾盜賊屯蓬蠹而我卧雲海歸途亦淹留
逝將憇真境秘訣追前修稚川不可見得見野人不
自延祥寺行五百至冲虛觀月出林壑之表景

物幽勝坐遺履軒望麻姑峰秉燭觀稚川牡丹
黃翁今勾漏晚入羅浮山丹成尸解去遺跡猶班
當年薪水人亦得力圭殘至今有遇者綠髮長童顏
嗟我暮遐躅冒暑窮躋攀叩門日已落月出青雲間
深院人寂、飛泉澗潺、松風入琴軫桂露零星臺
坐觀麻姑峰聳翠收煙鬟更呼老道士月下設曙闌
清景難久駐忽、恨言還却迷桃源路歎息空塵寰
兵革未休息世故方艱難脫身事幽討此志不可刪
未能騎長鯨聊復乘兩班來尋巖壑間更鍊飛霞丹

乘月泛小舟歸泊頭二首

來時風雨作新涼歸去還來皎月光多謝山林巧留
意未窮仙賞意茫、
纖雲四卷列星稀重露如珠濕客衣竟日羅浮何所
得滿盤空載月明歸

家問自閩中轉來走筆寄諸弟

江海相望萬里餘干戈阻絕久離居沉魚斷雁杳何
所一紙千金初得書身脫鯨波真偶爾家憐兵火幸
恬如弟兄老矣何為者相約羅同結廬公

次韻士特見懷古風

遭遇登黃閣平生志寢邱
焦頭無寸效失脚踏遐陬
一去蒼龍闕三驚白露秋
賈生時欲慟平子不勝愁
鄂渚何曾到蘭江未許留
孤城踰地角絕島在鰲頭
父子同雙影單瓢付一舟
飄零已知幸奇絕敢言遊
望斷歸來鶴情浮不下鷗
波濤從洶湧鼓角助清幽
忽奉日邊令還容嶠北州
天恩方骨肉癘鬼謾持矛
極極中興業深防不戴雙
言當車雖怒臂見險莫扶
輶往事追何及來功勉或
收舍垣宜葺補風雨正颼

離索何其久吟哦誰與酬
管寧終著帽王粲且登樓
阻絕江南信淹留海上洲
歸心良耿、去路尚悠、
見說鯨奔網仍傳盜聚蟲
不知供羽衛今有几貔貅
甌越亦遠矣江淮亦定不
視天真情、知命罷休、
水有朝東性髮非恤緯憂
吾徒強餐飯肉食得深謀

再賦一章寄諸季約同隱羅浮

枕海仙山舞翠蛟
葛洪丹灶尚餘兕
兵戈滿眼歸何
地雲木連天思
結巢豈有聲名
同八士當今踪
跡繼三茅攜家
早作來遊計
玉戶金闕幸可
敲

惠州訪東坡舊隱

海上歸來訪老坡依然遺跡未消磨
松風亭下梅花老鶴觀峰頭喬木多
垂世文章燦星斗平生憂患足
風平波華堂滿壁龕詩筆人事其如天定何

白水山佛跡巖行速不果到次東坡韻

羅山與浮山對峙蹲兩股有如垂天鵬
決起初振羽茲山乃東麓秀若芙蓉吐
谿谿巖洞開地裂媧不補何人履石脩
祖聖趾乳當時巨靈氏擘華不用上斧
踏躑意未已遺拇到南土連山乃浮來
海若助掀舞

強金仙人誰見來接武坳窪踰鑄鏡縷脉分踵拇何
嘗藉青蓮長此濯白雨頗疑秦漢間方士恣飄鼓鑿
成巨人跡聊示神仙府祖龍茂陵翁雄毅猶猛虎一
為異端惑種、受欺侮我為江海行風雨齊萬弩餘
生屢涉險何異枯炷睹已從羅浮道昧境多敢取天
公本無私尤物隨意主濶視天壤中滄海乃吾圃

次東坡月夜理髮

月明星稀烏鵲翻先生夜起臨幽軒呼童具櫛不停
手一氣泝流天地根自經憂患髮如葆欲論此心無

與言不如緘默度餘日悵望吳越空銷魂
望白水天山次合江樓韻

羅浮之麓何壯哉山靈為我煙雲開忽、行役不一
到翠光百里隨人來嶠南鍾此山川美中有幽人呼
不起月圓月缺豈人為潮落潮生自江水非人流水
水流人世故人情日、新撥置千憂并百慮且醉一
斛松醪春

六如亭

松、葬玉近禪扃便把伽陀當勒銘居士已亡三昧

手侍人空有六如亭六環約指無消息巫峽行雲更
杳冥萬法本來皆夢幻春風又見草青、

北歸自英韶趨江表因遊清遠峽碧落洞謁六
祖于曾溪望韶石庾嶺皆嶠南絕景也適江
西道梗遵海而歸此志不遂賦五絕句見意
凝碧灣頭碧玉山林松古寺寄孱顏佳人得侶已長
嘯空使山僧藏白環名清遠峽

碧落嵌空群玉峰烟霞深鎖翠微重乳羊不作黃羊
色放筋能迴冰雪容右碧落洞

久矣曾溪法雨流祇傳一滴滿中州南來不見祖師
面長與祖師同此遊右南華寺

重華南狩到爰荒高會群神廣樂張豈獨有情能率
舞至今峰石亦低昂右韶石

誰言庾嶺極荒遐夾道青松釋梵家暘暑北歸遵海
上無因一為折梅花右夜庾嶺

泛舟循惠間山水清絕口號四絕

雨過溪流沒舊灘舟行竟日畫圖間重、翠綠相環
揖卧看王維著色山

烟雨霏、溪上村白沙翠竹對柴門江湖戰鬪波成
血耕讀漁樵如不聞

青山碧水白鷗飛野岼臨流有釣磯便欲誅茅老滄
海于今江浙可忘歸

山下青江匹練橫山頭紅日半輪明漁人晚集知多
少靜聽鳴榔撒網聲

東坡謫英州以書語所善衲子曰戒和尚又疎
脫矣讀之有感

東坡宿世萬戒老次律前身為永師一念參差成此

果百憂鍾萃使知非我生已約渡南海今日豈知還
北歸從今莫打這鼓笛必意是事終由誰

先公太師尉秀州華亭日與僧靈照師相善嘗

下村視滂夢照師曰本欲渡南海與公有緣

故來託化是夕衛國太夫人亦夢有僧開帳

而寤既歸相與語異之遣人候靈照則以見

夢之夕入滅矣已而余生人皆以為靈照後

身故云 右前序

自鷺城至河源風雨日作江流湍激以寸步難

進感歎有作

榜舟沂迴溪夏潦邊川漲驚激湍怒瀾怪石立異狀

篙師巧為計巨絙施石上譟呼集衆力進寸退尋丈

崢嶸三數峰竟日不離望乃知勢不便智力未足仗

我行極江海幸免魚腹葬書生妙言辭過謂神所相

及茲因溝瀆更覺水石壯翻思泛滄溟千里纔一餉

豈惟小中州端欲遙崑閬斯遊不可忘臨風默惆悵

五月晦寓河源館舍雨涼新沐成偶一絕

風雨蕭蕭作晚涼山城松桂發天香蘭湯沐罷尤清

快一枕江南歸夢長

夜霽天象明潤仰觀有感成一百韻時歲在斗
熒惑在氐微甚辰鎮陵犯于翼軫間夜半斗
杓轉占帝座未明台星尚折云

吳穹運宸極示人文燦然萬象森布列七曜分迴還
體物具六擾兩朝列三垣德隆乃循軌攻錯因失躔
日月有薄蝕星辰或相挺暈適與佩玦精祲光屬聯
災祥本人致銷彌術在焉譬猶五臟病察色推其原
詎有使之致一氣兆所先應病投藥石厥疾尚可痊

恬不加料理瞑眩知何緣愈病當以藥彌災當以言
苦言逆人耳龜策窮根源甘言悅人意無乃有後艱
虛心行正說天道咫尺間太戊正厥事桑穀反為妍
宋景知愛民法星退亦遄精誠所感格應效猶衡權
堯舜曰欽若七政齋璣璿周公戒成王享敬德歷年
柰何後世士導使不畏天為子傲厥考獲罪安禱旃
論議肇熙豐猷為終政宣皇天豈無意儆戒良拳
長星踰萬丈赤氣夜繽紛是為兵革祥厥異古來聞
臺諫既鉗舌大史亦諱論事始初破睦釁成維成燕

至今為厲階禍難相連延迨于靖康初儲皇御乾坤
胡雛遽犯順鐵騎凌天閣雖含恭儉姿願之英偉臣
邪正相雜揉盈庭事紛紜機會一朝失安危自茲分
愚儒不遠慮賊退已安眠豈無統朝策誰著祖生鞭
彗孛拂紫微急怒如戈鋌諛臣秘其事猶欲飾以文
踰月始避殿何以應乎乾黠虜再稱兵東都滿旌旌
金湯失險固豺虎肆噬吞八駿狩沙漠神州遂崩奔
坐今鳩島徒盜據黃屋尊上帝眷明德中興屬吾君
建炎繼大統威令赫以新四海望膏澤攘戎拯斯民

光明日初出照燭窮天淵陰雲忽蔽塞寰宇隄蒙昏
迄今四塞暑天變何其繁日中有黑子翩若燕雀翻
赤氛環斗樞黑侵如突烟三台日離折帝座亦屢遷
遠年盛夏暑雨霖日聯綿昨宵偶晴霽仰視青霄端
五緯失躔次熒惑僅如錢太白揚其輝辰鎮光相駢
災變不虛發天心尚周旋岌然國勢蹙人謀益迴遭
飄騰虜騎橫搏逐踰鷹鷂前年蹂閩陝殺氣摩東川
去年破山東輕驅犯淮壖今年擾江湖深冠召與溫
東南幾藩府接境遭劉虔將帥望風遁臣賊摩其肩

屠戮列稚乳焚燒無尺椽翠華亦飄蕩泛海御樓船
士卒頗攜貳誰與守四邊內變不能弭何以禦外患
哀哉烝黎心戴宋何其堅肝腦塗草野不忍負國恩
乃知祖宗德滲漉深淵泉如何廊廟謀畧不加矜憐
堂、藝祖業揮斥極八埏誰陳退避策一一欲棄捐
兒戲失兩河甘心喪中原雖為東南初不治行籬藩
東晉有江右保守百餘年問誰居腹心王道與謝安
強藩總重兵控扼摧亮姦坐待天下定此理恐太漫
胡不法光武奮起由空拳勞身為上治介冑被露汗

履危救民死國祚乃復傳正如大厦傾扶持極艱難
一日葦一日舊業尚可全略不事撐柱摧壓何由

厥今誰股肱前轍或未悛尚容狐鼠輩寢廟恣穴穿
但為一身謀真若蟻慕羶風雨正凌暴不顧棟宇顛
宵人用必危范子何其賢嗟我素愚拙三朝荷陶甄
愧無徒薪策徒有焦頭愆罪大幸不死歸途極洄沿
廢食念宗社傷心痛元、不知狂言發感情成此篇
何當採詩人為致冕旒前雖膺鉞斧誅瞑目無所究
史鱗以尸諫一語不敢煩君臣重修德庶可迴蒼圓

自河源行如循梅雨霽天氣頗佳偶成古風
宿雨乍開霽新腸倏飛升嶠南瘴毒地乃爾氣候清
速裝遵陸途夾地松林青我家大江南及此歸有程
山禽亦為喜林間轉新聲况復抵衡宇童稚歡相迎
入室酒盈樽聊以慰平生已矣勿復道晚節師淵明

循州道中

嶺海經行涉兩年藍輿觸熱道龍川只愁青草黃茅
瘴敢意好風佳月天山頂濛濛、遮薄霧江心跼、墮
飛鷗鳥還往返何為者歸去躬耕負郭田

絕句二首

深入循梅瘴屬鄉煙風浮動日蒼涼踰年踏遍嶠南
土賴有仙茅肘後方

邪氣豈能干正氣妄心自不勝真心治心養氣無多
術一點能消瘴毒深

過黃石驛十許里巖石間沛瀑淥聲射聲隱然

真小三峡也命僕夫剪剔翳薈為行者清心

駭目之觀戲成兩絕

玉濺珠跳雷電聲巖端飛瀑蔽林苒呼童取斧開蒙

密一使行人心目清
終日崎嶇山谷間
雨餘林下水潺湲
爰方六月不知
暑端為先生從此還

聞蟬

喬林蔽日沸蟬聲
美蔭超然風露清
嘒嘒不休聊自
樂豈因人故乃長鳴

新月二首

碧落銀蟾吐知從何處來
雕弓弦未上寶鏡匣初開
照水鈎沉影窺人光滿懷
微升已西歿露坐已悠哉

初月明生平衆星寒吐蕊穿林未驚鵲
傍戶已窺牀
漸喜山川曉自今風露清涼仙林貼片玉為我賜清光

早行二首

夙起戒徒御小村扉未開霧分山遠近溪繞路縈回
排遣憑詩句銷除賴酒杯大恩何以報海上得歸來
宿雨破袷暑趣裝期早還斷塍泥滑幽谷水潺湲

半世走長道暮年歸故山
蒙頭有衲被送老白雲間

通衢駟夜坐有感二首

永夜發孤笑起看河漢流
群湧翠浪山纖月掛瓊鈎

豈謂艱難日翻成汗漫遊
虛舟今不繫暮景付滄州
酷暑事行役瘴雲天一方
曉登丞相嶺夜宿翰林堂
月落星河耿軒開風露香
微涼生枕簟歸夢到江鄉
此地有丞相嶺因常袞謫
潮州刺史道此得名翰林
堂見于圖經羅姓失其名
亦唐時人也

梁溪先生文集卷之第二十六終

梁溪先生文集卷之第二十七

詩二十三

道中作四十六首及抵家以後作三十六首

循梅道中遣人如江南走詣寄諸季十首

古詩四首

宿興寧縣驛二首

午暑憩夜明館二首

宿金沙寺

放鮮鯽

自金沙至梅口宿農家

南安巖謁定光圓應禪師二首

餞申伯自梅陵避地臨汀聞予北歸相送于武

平賦詩見意二首

次韻申伯見贈

次韻申伯上杭道中見示二首

宿道傍僧舍次蔣穎叔壁間韻

寄沙陽鄧季明二首

餞申伯追送至寧化栖隱寺賦詩識別

申伯見和佛跡巖詩再次前韻

靈峰寺

入江西境寄諸季弟二首

遊麻姑山二首

北歸次盱江一覽亭二首

次青溪仙巖見兵火跡二首

龜峰長老見訪二次成三絕句

歸自海外與諸季會飲成長句兼簡鄒德文昆仲

中秋與諸季會飲及德文昆仲望月同飲

送季弟還錫山省先壠四首

同諸季及德文昆仲遊龍潭

九日登山亭會飲

九日示諸季

冬至後四日修供羅漢巖四首

葉夢授同遊丹霞再次前韻

葉夢授送家園梅且以絕句一十五章見示于

予因次其韻

循梅道中遣人如江南走筆寄諸季一十首

弟有青雲志况今白髮翁斷鴻飛嶠北歸鶴白遼東

鯨海扁舟過煙嵐一笑空哀顏雖已老尚有渥丹紅

海外歸來客天涯老病身卷開愁細字冠側倩傍人

久矣鴛鸞絕優哉麋鹿親猶堪澆美酒醉裏發天真

人傳吳會破虜向福山歸松梓定安隱池臺今是非

傷心懷故老流淚落征衣目斷滄波上龍舟翠蓋飛

契濶三年久驚憂一夢新江鄉漂寓客海嶠得歸人

風雨對床夜詩書開帳晨速宜尋舊約二醉萬家春

寂默維摩病誰叅不二門隱緣聊遣化問夜欲忘言

斷取妙喜國同遊祇英廟嫌諱園甚深須獨悟勿為衆人論

虜騎滋南牧于今大將誰樓船泛溟渤哀詔問瘡痍
沙漠深鑿賂江湖震鼓輦遠方惟嶺嶠耕鑿自熙熙
常笑晉南渡區區營一隅近傳胡騎擾未覺古人迂
談笑北文勒指摩西破符淒涼王謝後繼踵豈真無
每訝杜陵老賦詩多旅愁只今萍梗跡自乏蹈梁謀
火氣已徂暑金風將動秋從相攻苦淡一解萬端憂
觸熱冒氛癘懷家思弟昆早行青瘴月夜泊綠林村
且喜江南近休將塞北論憑高望吳越黯黯更銷魂
江表難久客沙陽可暫安舊諳魚稻美頗得士民歡

騏驥已衰病鶴鴒方急難為携雛稚輩早下建溪南

古意四首

鸞鳳招不來鷓鴣摩不去君看酒肉敗坐使醯雞聚
小人為身謀無復遠慮國敝身亦危反何殊木中蠹
薰蕕不同器鳥鷺不接翼君看冰炭姿燥濕更相息
消長本天行否泰非人力須知坦蕩自勝長戚
嘉木難封植惡木費剪除君看種榆柳橫直皆扶疎
裊不自畏更欲陵天衢不知歲寒後松柏誰彫枯
松柏寒更青蕙蘭幽自芳君看繞指柔何以百鍊剛

逐物成俯仰隨時變交凉悲哉小人態所得真毫銖
宿興寧縣驛二首

清夜風露冷月華窓半侵懷家千里夢許國一生心
倦鳥投林急潛魚泳澤深無人知此意抱膝自長吟
六月欲徂暑又催流火輝竹間螢已亂簷側鷺將歸
豈念棄欽廟扇永懷勞鉄衣兵戈猶未息老盡故山微

午暑憇夜明館道傍清流激湍可愛所乏者茂

林修竹耳二首

火雲千丈映溪山正是人間行路難賴有道傍飛瀑

在噴霜翻雪作清寒

寶器何年夜發明至今郵舍作佳名我來不暇尋光

景但愛鏘金漱玉聲

自梅趣汀州行小路境坳危甚夏六月之十一

日宿金沙寺

觸熱過梅川境整鳥道邊林深晴有霧土曠晝稀烟
略約橫溪小籃輿礙石偏亂蟬鳴翳蒼蒼澗瀉潺湲
閩嶺雖近土江鄉猶渺然何曾愁瘴癘祇是怯危巔
借問勞行役何如穩晏眠遭時正艱棘賦分自迴遄

已幸生還里寧辭險著鞭夜涼棲野寺相對月婵娟
客有饋鮮鯽月夜與宗溪上放之

步月溪頭放小鮮銀梭擲去勢飛翻清波真是悠
水不似洋洋祇聽言

自金沙至梅口宿農家

夜夏宿山莊風吹禾稼香兒童窺戶牖雞犬訝冠裳
夏、竹搖翠輝、螢弄光濁醪澆渴肺夢覺月侵床

南安巖恭謁見定光圓應禪師二首

白衣隱去碧巖空塔廟巋然海嶠東分化何殊遽如

許贈詩多寫以之中青山綠水年、好明月清風處

處同好住一方為庇蔭不須追逐水濱翁

嶺嶠經行萬屈盤北歸今始到南安滿山泉石有古
意十里松筠生晝寒頗厭病身遊夢境欲將餘日付
巖端定光古佛今猶在請問此光何處觀

錢申伯自海陵避地臨汀間余北歸相迂于武

平賦詩見意二首

海嶠經行遍還為閩嶺遊清泉滌餘瘴小雨報新秋
嶠南多飲溪流至武平多謝故人意來銷羈客愁殷
始得井泉甘列故云

勤問淮楚兵草已寧不

我脫鯨波險君罹寇盜驚
睽離四寒暑會遇兩逢萍
訪舊半為鬼問津多阻兵
衣冠漂蕩極風雨自雞鳴

次韻申伯見贈

遠年奔走厭艱難
痛憤胡雛入漢關
萬里自忘鯨海遠
一身今伴嶺雲閑
孤忠耿耿空餘志
華髮蕭蕭已映顏
慚愧故人相勞苦
去時明月却同還

次韻申伯上杭道中見示二首

川途荏苒度年華
命與時謀敢自嗟
但使直方能養

浩豈知權勢解
愁夸淮舟昔共茱
萸酒闈館今同薄
荷茶往復紛成底
事龐公只合訪丹霞

相逢閩嶺得同行
秋早凄然風露清
蟬翼殘聲吟翳
蒼泉飛小瀑落崢嶸
濃雲林表千峰立
細咏山腰一縱橫
坎止川流任天運
未應萍梗嘆勞生

宿道傍僧舍次蔣穎叔壁間韻

竟日碧山中
清霄憇寶宮
客愁無那處
一葉已秋風

寄沙陽鄧季明二首

海上歸來近七峰
故人猶與一樽同
心憂世故存當

日身履時危到此中玉帶金魚非素志碧齋翠閣自
清風十年擾成何事依舊梁溪一拙翁
當年曾到碧雲峰惟有溪山與昔同最愛幽人三徑
裏盡收春色一壺中千年阮運非人力四海橫流本
士風爛額焦頭何所補却輸花圃樂全翁

錢申伯追送至寧化栖隱寺賦詩識別

連年淮海悵離居十日相從樂有餘心向功名已灰
冷老子詩酒未清疎頗矜有客乃如此共話無生正
是渠惜別不須追路遠定期林下論義書

申伯見和跡巖詩再次前韻

平生嗜讀書每效追刺股晚窺義文心射石遂飲羽
子雲芳草諱白鳳夢中吐區區不自量造化欲筆補
當其得意時如渴味漣乳誰為摩天手願借修月斧
故人適我願邂逅南土試將一隅授失喜屢作舞
嗟予值時危孱懦愧不武援世多掣肘放足已折拇
片雲空往來豈解作霖雨逝將歸碧山不復打這鼓
一氣中夜存天光發靈府參同有真契神鼎轉龍虎
丹成赫朝霞魔事敢予侮世間成壞法張弛猶弓弩

乾坤如許大方以一枰賭肉食謀自深覓腹何足取
既非公家用且作猿鶴主相期巖穴中藝此方寸圃

次韻翁士特相招居武夷

武夷山色翠崔嵬應笑梁溪又到來脫網若弱鱗初
縱逸傷弓倦翮尚驚猜閑中陶寫資詩句愁裡銷除
賴酒杯誰道川途廢光景無根桂子不妨栽

靈峰寺

古寺宿靈峰層巒倚碧空巖花開宿寺桂子落秋風
地僻溪山險時危戰伐同祇應輸衲子蒙被白雲中

入江西境先寄諸季二首

閩山行盡碧巉巖稍見川原雲木參萬里瘴風來海
外一溪煙水到江南故人邂逅端如夢世事紛紜未
易設鑄印光廟嫌諱頭家漸近秋風歸騎亦驂驛

征途詰屈避兵戈歎息勞生可若何却把蓮盧作安
宅每聞鐃鼓輒悲歌連年奔走巡尉將迎鐃鼓之音不絕于前故云侯門稚
子鵲立久浮海先生霜髮多可惜光陰四寒暑只于

來往與銷磨

遊麻姑山二首

魯公辭翰勒山巔
颯峭風姿亦喜仙
假道東遊非偶
爾追尋遺跡更茫然
野花幽草堪成夢
老鶴喬松不
記年誰謂瑤臺無路到
月明風露正涓
寶髻雲鬟衣彩霞
飈輪曾過蔡君家
河濱織女不得
停織海上花姑長似花
几見桑田變滄海
猶將椒粟
化丹砂此身漂泊干戈際
妙指煩于痒處爬

北歸次盱江疎山宗瑞長老來迓且言山巔有
亭俯視群山猶培樓也求佳名大書榜之取
少陵句為目之曰一覽亭成絕句二首

居士新從海上迴
勞煩竹杖與芒鞋
故人何用將迎
遠明月清風常往來

千里林巒紫翠環
孤亭縹渺白雲端
登臨一覽峰頭
小始見疎山境界寬

往返踰萬里首尾涉五年
幸無驚憂歸次貴溪
仙巖新罹寇盜焚蕩了
然始見兵火之迹感
愴有作二首

夢裡幽人獨往來
仙巖依舊碧崔嵬
傷心二百載涵
養極望皆成瓦礫堆

遼海歸來丁令威山川雖是事多非衣冠南渡奔崩
極好信六朝猶作依

靖康丙午冬道江南宿龜峰寺建炎庚戌之秋
北歸再過行遠不果到老長智光見訪成三
絕句以遺之

散策曾遊瑞相峰烟霞深處翠成叢清江使者今安
否五換星霜一夢中

去國翻成汗漫遊迢々雲海六鼇愁歸來又踏江南
土都在當年拄杖頭

蘭若松林物外居羨師一住十年餘奔馳萬里心灰
冷借我高峰前結廬

自海外歸間關萬經涉五載初抵家與里諸季
會飲成長句魚簡鄒德久昆仲

楚氛未靜狼烽起翠華搖々無定止謀臣猛將如雲
屯坐視胡雛渡江水我歸自南時正艱繚絡間關萬
餘里問津處々皆戰場訪舊往々成新鬼傷心不忍
顧浙江故園已在荆棘底幸然家屬大江東窈窕精
廬山谷裡當時百口還滿前况復添了長童稚衣冠

南渡多離流骨肉無虞能有几生還已荷皇天慈見
汝更使清愁洗夜闌秉燭疑夢中破悲為笑且歡喜
在原真赴鶴鴿難王還許薰葭倚春言兄弟同友
生風雨雞鳴未云已闔山深處是吾鄉携幼扶衰又
將徒安得廟社固根基一使寰區盡蒙祉

中秋與諸季及鄒德文昆仲望月同飲

五年客裏過中秋今日安知無此愁共喜銀雲開碧
落坐看蟾魄過西樓清光著物殊他異好景于人散
百憂人月皆圓非易得莫辭大白十分浮

送季言弟還錫山省先隴四絕句

四年謫去遠桑梓萬里歸來紛甲兵却恨此身方抱
病埽墳不與汝同行

胡雛南牧浙河空多幸依然馬鬣封勞汝遙々一掬
淚霜前為洒萬株松

每憂天會太繁雄虜騎憑陵掌股中若到新經兵火
地莫將有限道無窮
連年瘴海髮成絲多荷君恩特放歸邂逅故人相問
訊為言遽瑗久知非

同諸友人及鄒德友昆仲遊龍潭

避地寓江左精廬極深幽駕言欣勝賞遂作龍潭遊
暑氣斂以退輕雲藹而浮疎竹未搖落山色宜清秋
蘿磴穿窈窕松風散颼颼鉄花秀石壁玉韻鏗溪流
誰將三峽橋斷取來巖陬會心得佳趣濁酒相獻酬
嫩菊清可摘寒疎鬱堪羞樂哉山林間乃爾遠世憂
豈知江淮潰殺氣橫戈矛幽討未云已散策層岡頭
天神拖脩瀑落此萬丈湫空濛杳藹中時有飛魚游
神物不可見下隱長黃虬百穀正焦枯胡為此淹流

會乘風雷便一起澤九州我與二三子于世初無求
蕭然岩壑姿止可擅一邱願言假吾居聊作潛珍謀
玉函畀思邈貝闕歸靈脩何須挾白羽共逐青綃牛
九日登山亭會飲

淵明避世士酷愛九日名獨酌東籬下悠然得此生
我輩正羈旅佳節安可醒相携涉翠巘置酒松間亭
菊蕊弄新黃橘包破微馨髮邊挿茱萸未覺巾幘傾
雲山藹佳色風林動疏聲慷慨念平昔醉舞屬群英
國步方綴旒衣冠正漂萍山河舉目異望遠若為情

方期汗漫遊天地濯吾纓何必楚囚泣牛山良可輕
九日會諸季時會飲者八人

海外頻年懷棣萼江南九日共茱萸莫愁群盜驚隣
壤且作新詩慰老夫坐上豈無吹帽客飲中況是得
仙徒不將醕酎酬佳節肯信黃荅笑解無

冬至後四日脩供羅漢巖因訪丹霞長老成四

絕句

道人眼靜絕空花巖壑蕭然物外家十載聞名今始
到龐公真是訪丹霞

籃輿清曉叩禪扉山路霞深翠濕衣誰使峰頭雙練
瀑空濛散作玉花飛

碧山深處敞層巖中有幽人默自參休指天雲與瓶
水煩師試說後三三

巖巖昂足繚回廊泉石幽奇草木香幸有峰前方丈
地可能為築讀書堂

葉夢授龍圖同遊丹霞見知四絕句且以次前韻
巖竇嵌空南竇花玲瓏樓閣衲僧家興來結客窮幽
討衝破晴山几段霞

煙霞絢彩染幽巖紫翠葱籠雲木參
幸有幽人共清賞豈無風月友成三
渡水捫蘿款石扉杖藜同著舊緇衣
猶嫌林下誼僮僕欲學孤雲野鶴飛
夜寒月影照虛廊境寂心清發妙香
藜藿山林有餘樂未應肉食念華堂

葉夢授送家園梅花且以絕句十五章見示次

其韻

天欲春光一點回素英先試化工裁
惱人不作鉛華

態願下當年玉鏡臺

道人宴坐得圓通妙觀年來等色空
結習已銷花不

染何妨環麗伴衰翁

枝頭數點雪初殘折置冰壺分外寒
烟蘂輕盈未全

折國香暗淡已欺蘭

殷勤剩作送梅詩撚斷霜髭不為綦
只恐苦吟今太

瘦箇中風味許誰知

傍雨移梅越小寒探春几度獨憑欄
不知冷淡緣何事偏得幽人帶笑看

坐來寒谷變陽春雪裏開花若有神多作新詩詠尤
物知名最是愛花人
超然標格冠群芳妙質天教教骨香爛熳開時何足
道最憐新蕊半塗黃
踈籬烟雨數枝斜行路于今已見花又向闔山和月
摘坐今流寓嘆年華
山路相逢若有情折來書幌愈輕明何須更道能調
鼎小啄微酸已解醒
天生麗質絕塵埃肯把脂牋漫點腮幸有清香過于

雪對人何止白皚

蕭疎竹外裊烟梢清淺溪流映小橋不俟僧房靜中

看月明風細夜寥

小軒幽檻最相宜對酒難禁綽約姿莫落英飄訝萬
點待看青子綴疎枝

雲裳縞帶步搖冠誰遣瑤姬下廣寒默侍先生渾不
語風枝時聽珮珊珊

廣平提筆賦梅花富豔清便底死誇况有西湖隱君
子句中能道影橫斜

卷之二